

Headline	3 bintang Belanda perkuat UniKL musim 2019		
MediaTitle	Berita Harian Ahad		
Date	23 Dec 2018	Language	Malay
Circulation	62,927	Readership	188,781
Section	Sukan	Page No	60
ArticleSize	238 cm ²	Journalist	N/A
PR Value	RM 24,519		



LIGA HOKI MALAYSIA

3 bintang Belanda perkuat UniKL musim 2019

Kuala Lumpur: Sah kini bintang antarabangsa Belanda yang pernah disenarai pendek calon akhir pemain terbaik dunia 2014, Robbert Kemperman dan dua lagi rakan senegarannya, Valentine Verga dan Martijn Havena akan menyarung jersi UniKL bagi kempen Liga Hoki Malaysia musim depan.

Ini selepas ketiga-tiga pemain terbabit mendapat pengesahan Sijil Tiada Halangan (NOC) daripada Persatuan Hoki Belanda biarpun pada awalnya dikatakan mungkin terbabit dengan aksi Liga Pro Dunia yang turut menyingkap tirainya Januari ini.

Ketua jurulatih UniKL, Arul Selvaraj berkata, persetujuan ketiga-tiga pemain itu bakal meningkatkan saingan LHM 2019.

"Semua (enam) import sah

akan beraksi buat UniKL dengan tiga dari Belanda sudah mendaapat pelepasan NOC, jadi saya harap tiada masalah lagi untuk mereka datang ke Malaysia.

"Mereka akan tiba selepas berakhir saingan Piala Tan Seri P Alagendra pada 3 Januari nanti," katanya.

Sempat jadi taruhan

Ia bermakna, tiga import Belanda itu bersama kapten yang juga penjaga gol Ireland, David Harte, Kieran Govers (bekas penyerang Australia) dan Tim Deavin (pertahanan Australia) sempat menjadi taruhan untuk aksi Piala Sumbangsih berdepan Pasukan Hoki Terengganu pada 10 Januari ini.

Verga, 29, yang menjadi sebahagian daripada skuad Piala Du-

nia Belanda yang muncul naib juara di Bhubaneswar, India baru-baru ini, pernah menyarung jersi THT tetapi memilih untuk mencuba angin baharu.

Kejayaan luar biasa

Namun, dalam semua enam import itu pastinya kejayaan menyambar Kemperman dan Havena yang masing-masing berusia 28 tahun boleh dianggap sebagai luar biasa apatah lagi dengan status mereka yang beraksi dengan salah satu kelab gergasi Eropah, SV Kampong.

Dikhabarkan, kedua-dua pemain itu tertarik untuk datang ke Kuala Lumpur selepas diyakinkan oleh penjaga gol yang berada dalam musim keduanya di UniKL, Harte yang juga rakan sepasukan mereka di SV Kampong.

Pada masa sama, Arul turut menjelaskan hubungan baiknya dan faktor terhutang budi dengan Presiden Kelab Hoki UniKL, Datuk Amir Azahar menjadi antara sebab mengapa beliau terus kekal dengan juara Piala TNB 2018 itu.

"Agak berat hati untuk tinggalkan mereka sebab saya sudah enam musim bekerjasama dengan Datuk Amir, malah ia bukan waktu yang sesuai buat saya menerima tawaran THT ketika UniKL masih belum ada pengganti.

"Saya juga ingin berterima kasih kepada Cikgu Mohamad Salleh (Salleh, Presiden Persatuan Hoki Terengganu) yang mengemukakan tawaran kepada saya. Kalau ada rezeki di masa depan saya sedia bekerjasama dengannya."

Oleh Naqib Nor Said